

唐吕和叔文集

二

化國書館

Washwa Library

開化圖書館

Kaichwa Library

開化圖書館

Kaishua library

開化圖書館

Kaishua library

呂和叔文集卷第五

朝議郎使持節衡州諸軍事守衡州刺史上騎都尉 賜緋魚袋呂溫
表狀

代李侍郎賀收西川表

臣某言伏見高崇文奏以九月二十一日官軍入城都府
逆賊劉闢走出見勒兵追捕者臣聞夏震秋落乃觀成物
之功善陣有征方見勝殘之禮然則殺之所以生之也動
之所以綏之也氣和則歲功早就德盛則廟筭先期無遺
鏃而巨寇窮奔不血刃而全蜀底定奔走夷裔歌舞生靈
騰瑞氣而躍祥風披慶霄而捧白日 中賀 伏以陛下纂臨
宸極惟新庶政拓跡開統之始作法定制之初而賊闢敢

犯天威首干大紀恃險與遠窮兇極暴雖禍淫助順誠天道之必然而制勝舉全皆聖謨之自出一昨諸軍旣集鋒鏑爭先陛下以為方暑用兵觸冒害氣與勦人而欲速寧全衆而功遲遂令緩螻蟻之誅抑貔貅之銳休養磨礪以須秋期由是感恩而思奮者萬心如一又高崇文疾惡太甚然傷小過陛下推弔伐之義弘覆燾之慈寇逆是誅吾人何罪遂令逐北者生致為上脅從者獲則免之且諭鴻私仍加晏慰由是飲澤而回化者十室而九加以聖慈曲被大信有孚當挾纊之時賜戰士悉出內府開食椹之路賞降者曾不踰晨遂使昏迷革心義勇增氣江山自拔雷雨長驅渠魁假息而逃威士衆順風而捨杖市不易肆卷

無驚犬人蒙骨肉戶解倒懸旌旗導長養之風金鼓動發
生之氣然後知至仁能煞眷略無方大典用彰神武可慰
全苞形氣之內有罪必誅旁行天地之間無思不服臣謬
膺重寄親奉昌期坐觀氛祲之清日覩鯨鯢之戮手舞足
蹈倍萬恒情

代李侍郎謝內庫錢充軍資表

臣某言今月十三日面奉進旨其南郊賞設錢恐度支支
計闕少以內庫錢充者臣聞王者以四海為家君道惟百
姓與足象天平施而無別如地生財而不私薄奉已而後
奉公重從人而輕從欲知則孔易行之惟艱曠代莫聞今
日斯遇伏惟皇帝陛下誕膺駿命富有焉邦而能寶玄元

慈儉之宗奉列聖憂勤之緒臣謬思禹貢竊見堯心非戎
祀之用無急宣非軌物之經無別獻土木之功遂聞於廢
息恩幸之賜殆絕於霑濡固已行路謳吟播紳抃歎者久
矣伏以郊禋有日慶澤自天楚師思挾纊之恩漢將望解
衣之惠國存舊典事有恒規在臣職司敢不供集陛下憐
江淮甫罹旱歉念庸蜀新罷大兵雖經費有餘而聖慮猶
軫昨因伏奏親奉德音悉擬發內府金錢御服繒綵約躬
節用紓國贍軍允叶師和虔恭祀事必知感神人之德未
酌獻而幽通動天地之誠先燎烟而上達百祥所降萬福
攸宜信可以光洽寰區變掩圖篆家知自遂戶識至公風
人寢抒軸之詩黔首臻富庶之域微臣何幸獲覩升平至

德難名載深感躍無任喜抃激切之至謹奉表陳謝以聞

代

臣某言臣聞周陳洪範王者之首政惟農魯作春秋國家
之大事在祀農憂旱之為虐祀戒雨之失容亦由聖感節
宣孰云冥數前定臣伏見比者冬陽愆候宿麥未滋陛下
減膳撤懸晨興夕惕加以郊禋日近輦路飛塵竊慮增軫
聖情微昏羽衛帝誠神應人欲天從果得風雨叶期陰明
若契每至乘輿就次御幄寧居然後助澄掃於前驅効霑
潤於清道及夫廟庭金奏則橫漢昭回壇墀烟外則織蘿
不動從容成禮鼓吹還宮御正陽之門施作解之令歡呼
夷夏踴躍生靈三代之備物克終百王之能事斯畢神休

坐降瑞氣潛蒸玉鸞僅輟其行音素雪已飛於前殿盈天
表慶成花効竒洽萬國之歡心啟千載之昌運若非孝踰
聖一作德勤過堯心則何以禮一接而幽報隨彰景未移
而明徵遽至上辛受福獻歲告豐天地迴動於精誠陰陽
變化於宸念始悟竹宮望拜徒神無用之光交門作歌乃
為語怪之事臣謬膺重任獲待嚴祠嘉候殊祥愜心在因
受恩既深於庶類同休豈止於怕情手之足之罔知攸措
無任感躍屏營之至

代賀生擒李錡表

臣某言臣得某官某乙狀報伏承今月十三日夜浙西將
士張子良等相率效順生擒李錡者天討有罪國無稽誅

夷夏同歡飛沉咸躍謝臣聞養氣方蒸伏陰不能藏其源
必疑戰發洩以彰正陽之功至化方融大姦無隱其慝必
凌犯誅夷以耀聖人之武沴不盡消生德不遂姦不盡發
聖功不成蓋自然之明徵而必至之怕理伏惟皇帝陛下
光膺駿命恢纂鴻休仁育群生義征不憚無與讓而誕修
文德不得已而有此武功日者周歲之間大刑再舉朔陲
叛將獻首於九廟之庭益部兇渠伏鑕於萬人之目被髮
左衽且猶知懼霄形含氣孰不革心賊錡身齒人倫家承
宗籍三朝任遇五族輝光而獨藏禍謀密聚姦黨梟琳之
牙旗尚在忽已發狂戮關之刃血未乾敢茲拒命陛下重
難戎事深愍遠人先示招諭後加討伐方伯嚴兵有司調

食經略纔下形勢已張果得義勇叶心思神假手大旆迴
指長戟合圍兵火之氣天連金鼓之聲海震曾不終夜遂
擒元兇巷有居人市無改肆滔天之逆踰月而平去歲西
征則善陣不戰今茲東伐則善師不陣有以見眷略天縱
神武日新聖道久而投刃皆虛德澤深而用力彌寡從此
災窮沴盡俗變風移百蠻成冠帶之鄉五兵為耒耜之器
溥天同軌比屋可封古今一時堯舜何遠臣謬膺重寄特
賀殊恩再逢河海之清三觀鯨鯢之戮志深除惡義切同
休歎朴之誠倍萬怕品無任手舞足蹈之至謹奉表陳賀
以聞

代武相公謝槍旗器甲鞍馬表

臣某言今日中使某乙至臣宅奉宣聖旨賜臣槍旗甲器
鞍馬錦綵等禮殊其數物備其容肅以將威煥以昭寵雲
澤濡體天光照門抃駭失圖兢惶罔擄臣某誠荷誠感頓
首頓首臣才不可取進不因人陛下憐其小心知其盡節
特紆震盪而謬委台司匡補之益無聞將明之効靡著方
俟嚴譴忽蒙殊恩寄重西南任兼中外封聞大郡秩正黃
樞登壇於六符之堦被袞為三軍之帥古今盛典盡在茲
日人臣竊貴舉集微躬豈臣孱庸所克負荷非臣殞越所
能上報重錦名馬玄甲朱旗王事靡盬有行色天顏咫尺
忽當遠離感戀彷徨拜受涕咽折衝分閫媿非式遏之
才榮耀自天猥辱專政之賜無任感恩激切之至謹奉表

陳謝以聞

代武相公謝借飛龍馬表

臣某言伏蒙聖慈借飛龍馬若干匹至京兆府界首者臣
謬處台司將明無効自忝方任恩禮特加獎諭綢繆寵錫
輝煥寒衣病藥悉出聖慈匹馬一人咸經御選遠覽圖史
近徵耳目如臣蒙幸未見其倫實有何功敢當斯遇盡節
竭誠在臣子之本分殺身致命報君親之常道竟將何力
上谷殊私室保丹誠以致灰粉王程靡慶天駟言旋仰服
卓之有期恨違顏之方始精蒐自越顧步莫留權竒之姿
向雲闕以獨去悃款之戀與星彩而共馳瞻望天庭罔知
所措無任感戴彷徨之至謹奉表陳謝以聞

無英
作薄

獨去英
作曠首

尚英 作猶
固英 作同
澤英 作德
明英 作知

書英 作勅

代張侍郎起居表

臣某言孟秋尚熱伏惟聖躬萬福臣以去月二十一日到
薄安山見蕃胡尚綺里徐等固令盈珍等却迴奏事令臣
取今月發赴衙帳者伏惟聖澤柔遠皇明 蕃情大歡
酋帥知感虔奉朝旨實禮使臣迎勞肅恭饋餼豐潔益明
嚮化彌表革心臣恭備單車不勝慶抃嚴程方始絕域未
窮白日在天瞻仰如近青蒲之地伏
攸措無任犬馬屏營之至謹因中
居以聞

代伊僕射謝男宥授安州刺史表

臣慎言伏奉某月日制書授臣男宥安州刺史兼侍御史

所統英作
統兵旋英
作涉

朽鈍英作
鈍拙子英
作兒兒英
作子命英
作教

樂英作縣
冠超英作

充武昌軍兵馬留後仍賜紫金魚袋者雷驚里巷日照閨
門寵命自天戰跼無地臣誠懼誠感頓首頓首臣聞惟君
任臣固無虛授知子者父敢私不才臣頃者伏以聖政惟
新時清無事遂絕指縱之望求申戀主之誠陛下以臣所
統歲深周旋艱險長三軍之子弟積百戰之瘡痍將有去
留念其情義理資感勵事貴使安爰勅臣男試總戎務臣
雖訓之以義教之以忠而朽鈍有涯策磨靡及童子代斲
每懷傷手之憂小兒在邊曾無折屐之喜將何遽膺寵命
荐沐恩光真授竹符就加金組且祁午之為軍尉父已懸
車陸抗之將父兵子非綵服豈比臣身居端右男領方州
鳴玉會朝朱轡行樂焜耀中外冠超古今名教之樂何如

錢遵王述古堂藏書

超冠如
英作加

今月七日
類作二十
八日職
類作林

人臣之事斯極千載至公之運獨被殊私萬物咸遂之辰
先蒙曲澤瀝肝呈膽莫盡微誠毀族滅名寧足上報臣無
任感恩殞越之至謹奉表陳謝以聞

道州刺史謝上表

臣某言臣去十月十七日蒙恩授使持節道州諸軍事守
道州刺史奉命星馳不敢違息以今月七日到州上訖祇
寵自天戰跼無地臣某誠兢誠感頓首頓首臣謬以孱庸
早忝朝序再塵憲府三踐文昌竟不能著稱彌綸贊肅綱
紀合行殿黜翻蒙獎任共至公之理分子物之憂自古審
官莫斯為重臣才乏使用識昧政經將何以克副聖心撫
寧遐俗惟當勤宣皇一作王化度奉勲章苦節勵精少酬萬

一臣無任受恩感激之至謹奉表陳謝以聞

賀冊皇太子表

臣某言伏見十月十二日勅伏承皇太子以四月二十一日冊命禮畢光紹前典惟懷永圖神人允諧動植咸賴臣某誠歡誠抃頓首頓首臣聞燕翼貽謀帝王之大孝立嫡主器禮易之明訓伏惟皇帝陛下克明駿後一作德恢纂鴻休武功有成文理既定然後弘三王之教諭建國之元良凡在生靈熟不慶幸臣守官荒服稱賀無階竊抃嶺隅倍萬恒品無任感悅屏營之至謹奉表陳賀以聞

衡州刺史謝上表

臣某言伏奉五十一日恩制授臣使持節衡州諸軍事守

辱英作副
盛英作慎
惕英作愧
罄竭英作
恪勵庶
英作冀

衡州刺史散官勳賜如故謹以七月十五日到本州上訖
恭承寵命循顧庸虛感抃失圖戰跼無地臣某誠感誠懼
頓首頓首臣聞三載陟明虞書盛典六條舉最漢制宏規
必在上允帝俞俯諧師錫臣謬領郡務素無吏能虔守國
章布宣皇化匪寧一作能風夜再換炎涼仰奉陛下憂勤以
恤遠人凋瘵雖檢身肅下不敢愧於神明而阜俗移風竟
未彰於績用將何以特膺睿獎簡在宸心當愷悌之旁求
辱循良之盛選省躬增惕殞首知慚謹當罄竭精誠策磨
朽鈍庶立日新之効少酬天覆之恩實望聖慈照臣肝膽
臣無任感躍屏營之至謹差某官某乙奉表陳謝以聞

代鄭南海謝上表

遠英 作遠
奉英 作奉
感英 作感
恐英 作恐

履英 作履
復英 作復

臣某言臣自違離闕庭晨夜奔涉祗承寵命不敢違寧謹
以某月某日到所部上訖奉宣聖旨親諭遠人酬恩之効
未期戀主之誠已積臣某誠感誠懼頓首頓首臣本章句
諸生器用無取徒以小心畏敬謬為先聖所知趨奉禁闈
浸踰星紀屬內外危疑之際是非剖判之初實以艱貞自
持中立無倚天高聽近愚歎獲申神幽鑒明昌運斯屬遂
蒙陛下擢於侍從超冠等倫用其憂國之寸心委以代天
之重務俯懷三命炎涼五周登車奏馭朽之懷假寐感宵
衣之志徒耗神用莫能將明篋盈謗而方賜駛馭鼎折足
而未忘簪履竟以陳乞遂其優容無綺季夏黃之德而猥
當調護無甯黜賈復之勞而獲奉朝請以此沒齒猶為負

恩豈意曾未踰年忽蒙抽獎廟授鈇鉞廷賜旌旗俾臣懦
夫當此大任節制五嶺幅員萬里伏波之銅柱猶在永謝
奇功士燮之鼓吹日聞彌慙武幹將何以宣美皇化振揚
國威洗愆責於千齡谷生成於再造唯當舉章脩法苦節
清心撫獷俗以思柔酌貧泉而無懼庶幾萬一仰副憂勤
但以白日在天長安不見丹涯限地溟海方深顧蒲柳之
前衰奉軒墀而尚遠無任感戀屏營之至謹差某官某奉
表陳謝以聞

代都監使奏吐蕃事宜狀

右臣前月十四日至清水縣西吐蕃舍人郭至崇來迎便
請將書詔先去臣以二十一日到薄寒山西去蕃帥帳幕

二十餘里停止至二十三日方見尚綺里徐撥布論乞心
熱奉宣進止兼付賜物莫不祇奉聖恩感悅過望部落歡
抃道路謳歌加以接待殷勤供擬豐厚竭誠化歸形狀可
知臣親覩蕃情不勝慶躍綺里徐等固欲令臣與薛伍領
蕃使却歸奏事臣當時苦爭請赴衙帳自辰及午意竟不
移今日再見懇論盡詞徃後勢既難拒恐失事宜即與今
月五日令臣與張荐分背便發行徨中路憂懼實深心鬼
震驚進退無據謹勒某官某乙陳奏以聞謹奏

代伊僕射奏請女正度狀

光祿大夫尚書右僕射南克郡王臣女請度尼某乙
右臣伏以陛下降誕之辰率土蒙幸臣於含氣之內受恩

受恩獨深
英作獨受

恩深

文英
作科

輕英
作鞞

錫英
作賜

獨深思所以稱慶南山獻心北極遂剖骨肉之愛俾歸岑
寂之門結幽願於金仙奉勝因於寶壽冒昧上請精誠匪
他陛下以釐革初行渙汗無反憐臣罄至之分事與恩違
念臣愚魯之忠貸於法外特降中使俯加慰諭臣忝居端
右之地首干畫一之文誠雖奉上義乖率下合當嚴謹忽
被踈私震驚失圖慙跼罔據荷降鑒之明原情斯在蒙曲
全之澤為感則深輕瀆宸嚴伏增殞越謹奏

代鄭相公謝賜戟狀

門戟十二竿右今日中使某乙至臣私第奉宣聖旨賜臣
前件戟者臣伏以國朝之制名器尤慎吏考三十始秩銀
青戰勳十二乃號柱國必資具美方錫殊榮於是有命服

壽英
作舞

以朝加戟于戶將勸勞而責實亦馭貴而崇名上無謬恩
下不虛受臣迹非竒致擢自諸生先皇以庶謹賜知密勿
踰於一紀陛下以勤憂過聽委遇首於郡僚叨據樞衡亟
移星歲雷霆用武曾無犬馬之勞日月垂文豈有螢燭之
助徒以侍祠清廟拜壽鴻名累逢慶賴驟假勲秩禮異其
數物盛其容新其闡闕賜之榮戟衡門燕雀乍相賀於朱
楹武庫龍蛇忽追飛於陋巷焜燿當代寵靈自天聚族知
慙殺身匪報無任荷懼屏營之至謹奉狀陳謝以聞

代鄭相公請刪定施行六典開元禮狀

右臣聞化人成俗莫大於禮樂垂統建中必資於制度然
而忠敬有弊質文異數群儒之得失鋒起歷代之沿革絲

襄英作雜
以英作而

道英
作導

散英
作故

禁或榮古而漏今名實交喪或違經而便事本末相忘或
煩褻以為詳或闊畧以為要未聞折衷以叶通方國家與
天惟新政物視聽太宗極焚溺之餘粗立統紀玄宗承富
庶之後方暇論思爰勅宰臣將明睿旨集儒賢於別殿考
古訓於秘文以論材審官之法作大唐六典三十卷以道
德齊禮之力作開元新禮一百五十卷網羅遺逸芟翦竒
邪亘百代以旁通立一王之定制草奏三復祇令宣示中
外星周六紀未有明詔施行遂使祭喪冠婚家猶異禮等
威名分官靡成規不時裁正貽弊方遠伏惟睿聖文武皇
帝陛下恢纂鴻業升于大猷雷霆奮有截之威日月廓無
私之照三叛就戮四夷來賓牛馬散於農郊兵革藏於武

求英
作率

樞英
作密

匡補英
輔弼英
作英

作建先
英作聖

候英
作俊

敏英
作達

冀紆英
作敢塵

庫嚴裡上帝祇受鴻名惟懷永圖不自滿假昧爽聽政子
 夜觀書處成功而弗休求至理若不及每懷經始則知貞
 觀之難言念持盈思復開元之盛臣謬忝樞務兼掌圖籍
 無能匡補已負於恩私有所發明豈先於典禮伏見前件
 開元禮六典等先朝所制鬱而未用奉揚遺美允屬欽明
 然或損益之間討論未盡或弛張之間宜稱不同將貽永
 代之規必候不刊之妙臣請於常參官內選學藝優深理
 識通敏者三五人就集賢院各盡異同量加刪定然後冀
 紆睿覽特降德音明下有司著為恒式使公私共守貴賤
 遵行苟有慤違必正刑憲如此則臧官有制將興濟之
 詩風俗大同坐致熙之詠見可而獻知無不為輒瀆宸

錢遵王述古堂藏書

深

嚴伏增頌越謹狀

故博陵崔公行狀

曾祖諱承福皇朝太中大夫廣越二府都督祖諱先意皇
朝朝議大夫鄧州刺史父諱巘皇朝朝議大夫鄭州長史
贈左散騎常侍狀奔藻天理立為人極敬終端本彼所以
將就誠明褒攷勸存此所以砥礪名教然而以道行已晦
而彌光大君子之行也以法考行直而無黨賢有司之職
也且曰獻狀則唯所知公清莊而和博厚而敏岐嶷而夙
茂羈州而老成性約情克靜專動直出入孝悌周旋忠信
始以經明上第調佐夏陽次以詞麗甲科超尉王屋事迫
於官而舉言迫於事而揚欲藏智而蒙滯來求不近名而

中
英
作
貫

聲華見逼故相左僕射張公時尹洛京首得才實泊鎮荆
蜀致於幕庭再兼理官專領記室健筆良畫二邦有聞旋
邁內艱毀瘠僅立善居得禮族黨稱之免喪之歲天子南
狩大尉西平王大會兵車將圖匡復公首膺辟任濬發義
心琴未成聲履及於路感激而將星芒怒謨謀而兵祲廓
清翠華旣還優典斯及拜殿中侍御史時有寵臣為京兆
者政以暴聞吏有冤弊公表陳枉直伏閣待旦言忠主悟
事寢風生以繩違稱職轉侍御史以求瘼慎選為華原令
大兵之後旱歲為虐公勞徠不倦弛張以宜復流庸於濶
屋闕曠土為多稼俄改歙州刺史地雜歐駱號為難理下
車而簡其約束暮月而明其信誓然後破散谿聚剪鋤山

作擬
擬英

汾英作訟
所患英作
之患

豪既去害群之奸遂寧埏險之俗徵拜長安縣令威聲先
路不肅而理銜刃餘地所投皆虛擢同州刺史國歎於豐
量賑為糴號里倉者三百所而凶年備矣戒以暴骸諭之
速朽成薄葬者九百家而奢俗懲矣都人有豪奪鄉悖陰
持吏失朋構汾獄累政所患公斷以尋斧破其囊橐人樂
其殺而法制行焉郡城自禦寇之餘復隍殆盡朝貢所經
夷夏何仰公悅使襁負大興版築下不知役而扁固立焉
其餘則去思有碑詳在篆述可覆視也朝議陟明遷於陝
服封介晉楚寄分函洛而戒備不脩兵庫虛閉公乃鳩工
以利器閱實以練卒金革中度義勇知方既而有淮西之
役晨令暮具凜然而可觀矣河出城下造舟為梁經始匪

匪工英作
費解工
英作
流

政英
作仕

不英
作無

能英
作得

工敗決相繼公乃沉石而雙固中江省艦而三分巨渠水
與意會勢若天成既而有奔濤之沴智勝功顯終然而無
害矣其餘則三降璽書就加爵秩是明徵也移疾入覲貳
職冬官歸載不過圖書留府盈乎粟帛豐公約私於是乎
在至既陳乞以尚書致政室不交要路之賓口不言當代
之事就陰委順談者多之公目解巾至於撒樂思不踰矩
動不越思以忠貞為仕模以勤儉為家訓身居侯邸清節
如初男降王姬素風愈勵羈孤聚室人各忘其亡布褐分
庭士不知其貴體溫柔而事至能斷性坦易而物莫能窺
當官不務於名聲所去必遺其功利毗謠尚在時論可徵
已踰書葬之期請舉易多之典謹狀

錢遵王述古堂藏書

深

外生英
作從福

元和三年四月日故銀青光祿大夫守工部尚書致仕贈
陝州大都督博陵崔公外生甥朝議郎司封員外郎上騎
都尉賜緋魚袋呂溫謹上

呂和叔文集卷第五

錢謙王述古堂藏書

開化圖書館

Kaichua library

錢謙王述古堂藏書

卷

呂和叔文集卷第六

朝議郎使持節衡州諸軍事守衡州刺史上騎都尉 賜緋魚袋呂溫
誌銘

三受降城碑銘 并序

夏后氏遏洪水驅龍蛇能禦大菑以活黔首周文王城朔
方逐獫狁能捍大患以安中區若非高岸峻防重門擊柝
雖有盛德曷觀成功然則持璿璣而弛張萬象昊穹之妙
用扼勝勢以擒縱八極王者之宏圖道雖無外權則有備
變化消息存乎其人三受降城皇唐之勝勢者也昔秦不
量力北築長城右扼臨洮左馳碣石生人盡去不足乘障
兩漢之後頽為荒丘退居河澨歷代莫進矯亡秦之弊則

可矣盡中國之利則未然唐興因循未暇經啟有拂雲祠
者在河之北地形雄坦控扼樞會虜伏其下以窺域中禱
神觀兵然後入寇甲不及擐突如其來鯨一躍而吞舟虎
數步而擇肉塞草落而邊氓懼河水堅而羽檄走爰自受
命至于中興國無寧歲景龍二年默啜強暴瀆鄰構怨掃
境西伐漢南空虛朔方大總管韓國公張仁愿躡機而謀
請築三城奪據其地跨大河以北嚮制胡馬之南牧中宗
詔許橫議不撓時唐休璟建議非之於是留及瓜之戍斬姦命之卒
六旬雷動三城岳立以拂雲祠為中城東西相去各四百
里過朝那而北闢斥候迭望幾二千所損費億計減兵萬
人分形以據同力而守東極于海西窮於天納陰山於寸

睥拳大漠於一掌驚塵飛而烽火燿孤雁起而刁斗鳴涉
河而南門用晏開韓公猶以為未也方將建大旆提金鼓
馳神竿鞠虎旅看旄頭明滅與太白進退小則責琛賫受
厥角定保塞一隅之安大則倒狼居竭瀚海空苦塞萬里
之野大畧方運元勳不集天其未使我唐無比顧之憂乎
厥後賢愚迭任工拙異勢剛者贖武柔者敗律城隳險固
寇得凌軼或驅馬飲河而去或控絃劇壘而旋吾知韓公
不瞑目於地下矣今天子誕敷文德茂育群生戢兵和親
七狄右衽然而軍志有受降如敵大易有安不忘危崇墉
言言其可弛柝亦宜鎮以元老授之廟勝劇述舊職而恢
遺功外勤撫綏內謹經略使其來不敢仰視去不敢反顧

永讐猛氣無生禍心聳威馴恩禽息荒外安固萬代術何
加焉敢勒銘城隅庶復隍而光烈不昧銘曰

韓侯受命志在朔易北方之強制以全策巨漢橫塞揭茲
雄壁如三闔龍躍出大澤並分襟帶各閉風雷俯視陰山
仰看昭回一夫登陴萬里洞開日晏秋盡纖塵不來時維
韓侯方運神妙觀釁則動乃誅乃平廓乎窮荒盡日所照
天乎未贊不策清廟我聖耀德罷扃北門優而柔之用息
元元曷若完守推亡固存于襄于夷永裕後昆

故太子少保贈尚書左僕射京兆韋府君神道碑
山之天者匿峯巒含氣象積高無倪而不見其險孕粹有
物而不知其神此其所以為大也德之全者毀圭方點皎

而英作如
點英作點

而智英
作如智

為英
作焉

是英
作矣

屬靈機密運而智不驚愚遐標特立而迹無變俗此其所
以為全也然則太山高而可陟全德近而難知我求其倫
見之於少師公矣公諱某字某京兆杜陵人其先帝堯光
宅讓德儲慶建國命氏列于夏商相胄卿族繁于漢魏代
濟不殞煥為盛門大王父諱某皇朝主客郎中萊濟商三
州刺史王父諱某倉部郎中太原少尹贈秘書監烈考諱
某檢校都官郎中嶺南節度行軍司馬贈同州刺史或以
瑚璉之器纔施郡政或以巖廊之姿僅及戎佐與時俱息
從道而污屈不試於當年啟莫京於身後公生而岐嶷弱
而老成渾粹不散清明虛映朱絃遺音而宮商自韻太圭
不琢而符彩溢發邈是天爵爛乎人文鼓鍾之聲日遠卿

鴻冥英
作冥鴻
臺英此下
有殿中二
字

選英
作遷

按英
作假
遺英
作道

典之譽來逼釋褐太子正字與仲弟正卿以賢良偕徵策
入異等鴻冥雙舉當代榮之授高陵主簿遷監察御史政
殿中內供奉東都留守判官即拜東臺侍御史叅畫惟允
持繩不回河洛之間風聲尚在德宗躬決庶政本於尚書
責成曹郎綜練材實荐出方伯時超貳卿二十年間斯為
極選公由是前後遷刑部吏部員外郎吏部郎中奏議推
美彌綸成績南宮之故事存焉于時戡復日近勲勤者衆
都市惰游盡垂金組邦畿豪奪半賜冊書輕禽逸於踈網
悍馬駭於柔轡上思懲抑必換良能公由是前後歷奉天
長安二縣令仁護鰥惇智鈴豪右輿人之遺詠在焉望由
實濟任以望重選曹未幾遷給事中既居駁正之司不撓

錢遵王述古堂藏書

深

給英
作存

議英
作論

當官之論屬東南歲歉俾又惟難出為常州刺史天寶之
後中原釋耒輦越而衣曹吳而食一隅重困五紀于茲公
臨之清貞結以忠恕固給惠寡務蓄勤分一法以去其侵
渙多方以備其災患以逸道而使繕完允濟以與道而取
賦入先期聲聞天朝考績連最轉蘇州刺史二境之間百
里而近靈源自出殊派共清膏澤所需異壤同潤下車暮
月報政如初加秩賜金借留累歲無何彭沛喪師兵驕地
偏安危所繫朝議難之乃以公檢校秘書監兼御史中丞
賜紫金魚袋充徐泗節度行軍司馬重其威望將委旄鉞
而未命程伯徐方之軌既同不見賈生宣室之徵遽至擢
吏部侍郎倫品甄明通簡節適勢有探湯之熱我以靜濯

歸英
作願

衆有鼓簧之喧我以心聽馴致其美罔然日彰不求無失
職之人人自以為不失職矣輟拜京兆尹德刑交修寬猛
相濟匪設鈞距物無遁情匪曜鋒鋷機無滯斷浩穰之理
不肅而成不求無不欺之吏吏自以為不能欺矣俄改太
子賓客辭劇就閑圖南之勢一息選德求舊居東之命惟
重遷檢校工部尚書兼御史大夫充東都留守東都畿汝
州都防禦使自盜起幽陵兵屯諸夏涉淮而北軍國異容
分陝以東古今殊寄公講信修睦外張保釐之政完備訓
戎內寓折衝之令予載不露德耀藹然遐邇頓首以承風
強暴革心而知懼今上嗣統就加檢校吏部尚書方入諧
僉屬毗贊大化不幸嬰疾表求退歸優詔除太子少保莫

降英
作真

聞英作周
榮英作華

名英作明
恒英作每
而英
作如

其休復將有後命神祇竟昧藥禱無降以元和元年三月
 十二日薨於東都履信里之私第享年六十有四寵贈尚
 書左僕射轎車西歸制使賻予太常襲議謚曰某公哀榮
 備矣夫人河東裴氏侍中耀卿之孫給事中臯之女德門
 一作鍾美淑聞充塞薨榮早落著兆叶期即以是年五月
 二十一日合葬於萬年縣高平鄉少陵原禮也公孝悌天
 至行有餘力仁義性德匪俟服膺不飾表以近名恒縱心
 而中矩清虛簡淡而應物不俛通曠夷易而及門無雜不
 尚意氣而然諾篤志不好臧否而鑒識超倫與故相國齊
 江西映穆宣州贊贊弟侍御史員為文章道義之友可以
 視其所親矣今吏部郎中扶風竇群杭迹毗陵退身進道

舉英
作與

此英作泊
嗣英作詞

恩英作怨
不英作無

公三揖郡榻之上，一振天墀之下，不數歲間，蔚為重器，可
以視其所舉矣。分正東郊，開府辟土，則有今右司郎中燉
煌段平仲、倉部員外郎安定皇甫鏞、禮部員外郎清河張
賈、北京兆尹韋嗣隴、西李景儉、中山衛中行平陽路隨，皆
群彥之秀，出一時之高選，可以觀其所任矣。加以志尚幽
遠，冥搜好古，所居第必有松石之致，退公暇日常以圖籍
自娛，一字愜心，金玉不顧，片言同趣，布褐無間，疊々然若
見道之所存，陶々然不知歲之云晏，於戲策名從事四十
餘年，朋友罕聞得喪之言，家人莫見喜愠之色，怛懷以處，
推分而行，無恩於人人，亦不怨無猜於物物，亦不猜履信
順，以優游保福祿而終始，其名教之大雅者，歟。有九子長

閩英 作問
蕙英 作齡

悼英 作綽

古英 作右

曰元質前常州義興縣尉次曰毅前邠州司倉次曰璋鄉
 貢進士能修詞立誠克家致美茂揚風訓休有令聞其次
 某某等皆殊資異識登於童齒慶善之餘也以某獲窺墻
 仞見託篆述究賢人之業信而無媿申孝子之志直而不
 文其詞曰利建于商介圭作寶爰立於漢緇衣改造克昌
 厥流奕世載考亞尹擅名郎中懷道莫躋貴仕莫享難老
 蘊靈儲休以啟少保丕顯少保其德情、有悼遐姿曠哉
 靈襟顯仁山立藏用淵沉煦如冬陽藹若春陰白圭三復
 克保明心黃鍾九變莫匪和音靜專動直謙進柔克宜踐
 公輔以禎王國促路頓軌中天墜翼少陵古原拱樹寒色
 寒壤可弊唯名不失金石垂之以慰罔極

劉公神道碑銘 缺

南嶽大師遠公塔銘記

英作南嶽彌陀寺承遠和尚碑

著英此下有也字

孰英作誰其英作能

原夫法起於無色生於妄求離於色者未得皆空徇念於
 無者斯為有著是以至人心無所念念無所求利未動而
 誰安本不然而何滅然而利根難植頓詣罕聞不有舟梁
 孰弘濟度匪因陞級莫踐堂塗必在極力以持其善心惠
 念以奪其浮想不以身率孰為教先誰其弘之則南嶽大
 師其人也師諱承遠漢州綿竹縣謝氏之子積修妙性宿
 起冥因乘報現身應期弘道自天鍾美因地稟靈七尺全
 軀峨岷與瞻敬之狀九漏懸解江漢資清淨之源殊相夙
 成隱照潛發甫志學始遊鄉校驚禮樂之陷阱覺詩書之

深

決英
作訣
康英
作唐

虛英
作靈
喬英
作高
沅湘
作英
沅湘
作英

敏英
作惑

桎梏忽、不樂未知所逃俄有信士以尊勝真言質疑於
學怡然聳聽宛若前聞識契心冥神動意往遂涕決慈願
行徇幽緣初事蜀郡康禪師禪師學於資州詵公詵公得
於東山弘忍堅林不盡秘鍵相傳師乃委質僮役服勤星
歲旁窺奧旨密悟真乘既壯遊方公浹東下開元二十三
年至荊州玉泉寺謁蘭若真和尚荆蠻所奉龍象斯存歷
劫方契其幽求一言懸會於虛受愛從剝毀始備錫昂
然古貌森映喬松真公南指衡山俾分法派越洞庭浮沅
湘息于天柱之陽從通相先師受聲聞具戒三乘之經教
四分之紀律八正之倫要六度之根源莫不更贊神機通
歸心術聞京師有慈敏三藏出在廣州乃不遠重阻星言

慈英
作德

充英作完
中英作寒

年英作中
遊英作來
尋英作尊

水英
作外

觀謁學如不足求所未盡一通心照兩捨言筌敏公曰如
 來付受吾徒用弘拯救超然獨善豈曰能仁俾依無量受
 經而脩念佛三昧樹功慈劫以濟群生由是頓息諸緣專
 歸一念天寶初歲還於舊山山之西南別立精舍號彌陀
 臺焉雜草編茅僅蔽經像居靡童侍室無斗儲一食不遇
 則茹草而過弊衲莫克而歲中自若奉持贊嘆苦劇精至
 恒於真際靜見大身花座踴於意田寶月懸於眼界永泰
 年有高僧法照者越自東吳遊於廬阜尋遠公教跡結西
 方道場入觀積旬至想傍達見彌陀座下有老比丘焉啟
 問何人答曰南嶽承遠願告吾土勝緣既結真影來現照
 公退而驚慕徑涉衡峯一披雲水之塵宛契定中之見因

記英
作信

編英
作編

人天英
作天人

眷英
作凡

緣昭晰悲喜流涕遂執摠衣之敬願承入室之顧大師德
 因感著道以證光遠近聆風歸依載路於是大建法宇以
 從人欲輪奐雲起丹刻化成走擅記於十方盡莊嚴於五
 會香花交散鍾梵相宣火宅之煙焰皆虛憇海之波瀾自
 定加以寶裝祕偈建幢於臺前玉篆真文揭碑於路左施
 隨求之印以廣銷業累造輪轉之藏以大備教典勸念則
 徧榜於崖谷勵學則兼述於縑緇其欲人如身慈惠懇至
 皆此類也大師峯栖木下六十餘年苦節真脩老而彌篤
 夙開戶牖久啟津途法界之尊重在焉人天之瞻仰如是
 常陋處方丈志行平等食不重味寒不兼衣王公之珍服
 盈廂毗庶之金錢布地莫不迴脩佛事贍養孤老眷言施

志英
作至
鍊英
作練

舟英
作若
備英
作獲

者以是報之期願將及志力無替中鍾會食到必先衆夕
磬度念居恒達晨其克已鍊心慎終如始皆此類也大曆
末門人法照辭謁五臺北轅有聲承詔入覲壇場內殿領
袖京邑託法雲之遠蔭自感初因分慧日之餘光寧忘本
照奏陳師德乞降皇恩由是道場有般舟之號貞元歲某
獲分朝寄庶問湘中近照德輝備探衆妙况靈嶽直午先
皇本命宜有上士斯焉護持表求興崇詔允誠願臺雖舊
號其命維新寺由是有彌陀之額度生二七會供千人中
貴巡香守臣視饌瑤圖花捧寶字煙開寵降九天暉映三
界師亦建不壞之塔以壽君親脩無邊之功以福邦國梵
王之能事畢矣法門之榮觀備矣貞元十八年孟秋既望

宗英
作於

清英
作隋
明非有照
慈亦無緣

顧命弟子申明教戒掃室跌座恬然化滅報齡九十有一
僧臘六十有五先是忽告門人曰國土空曠各宜勉力數
月而災火梵寺周歲而吾師解形此蓋寶去山枯龍移水
涸空曠之旨乃明前知法衆崩慟若壞梁木邦人號赴如
失舟航以其年九月七日遷神於寺之南岡即安靈塔教
也前後受法弟子百有餘人而全得戒珠密傳心印者蓋
亦無幾比丘惠詮知明道偵超然等皆奧室之秀者以瞻
奉將遠經行坐蕪永懷宗極見託碑紀移有道於物外真
無愧詞比遺愛於人間誠當墮淚銘曰
浩浩清塵茫茫逝川大雄作矣救物為先明非有照慈亦
無緣不宰功立忘機智全誰其弘之南嶽命代習識虛受

英作能明
大教非師
緣有

應身圓對理則歸空教惟不昧末搖本靜行苦神泰雲跡
一滅天星六周熱惱就濯童蒙來求攝以尊念驅之力脩
我法有戶誰能不由甘露晨稀香雲夕卷彼岸方濟慈舟
忽遠鑪煙如在塔樹勿剪刊勒豐碑永想正眼

韋公神道碑銘

缺

呂和叔文集卷第六

錢遵王述古堂藏書

呂和叔文集卷第七

朝議郎使持節衡州諸軍事守衡州刺史上騎都尉賜緋魚袋呂溫
誌銘

鄭夫人墓誌銘 缺

大長公主墓誌銘 缺

李夫人墓誌銘 缺

柳夫人墓誌銘 缺

陳先生墓表

有唐貞晦先生廣陵郡棠邑鄉陳君曰融無字享年七十
有二遊不出鄉考終厥命嗚呼至哉良玉雖白不受采醴
泉自甘非有和貞色續密丹青無自入也靈味天成麴蘖

無所資也故先生長而不學大樸不通乎輪轅至音不諧
乎宮商曲直渾成巧匠莫能材也清濁一致伶倫莫能器
也故先生老而不仕地虛而踐則有跡器踈而扣則成聲
我踐惟實跡不可得而見也我扣惟密聲不可得而聞也
故先生沒而不稱若夫為養克孝居喪致毀事亡如存朋
友孜孜兄弟怡怡於鄉恂恂與物熙熙天性人道其盡於
茲何必讀書然後為學知命是達怡神為榮樂天忘憂自
寵不驚貴我以道此非祿乎何必入官然後為仕我有信
順自天祐之謂天蓋高亦既知矣謂神蓋幽亦既聞矣何
必俗聲然後為名大哉先生行不學之道據不仕之貴負
不稱之名達人觀焉斯亦極矣予貞元初寓居是邑言歸

京國道出其鄉始見一鄉之人父義子孝長惠幼敬見乎
詞氣發乎顏色不聞忿爭之聲不見傲慢之容雍、穆、
甚是異也因揣之而歎曰芳蘭所生其草皆香美玉所積
其山有光此鄉之人豈必盡仁其必有賢者生於是矣遂
停車累日周訪故老果曰吾里嘗有陳融孝慈仁信不學
不仕鄉人見也皆自欲遷善遠罪亦不知其所以然今也
則亡清風猶在予於是慨然痛先生以純德至行沉落光
耀官闕軾廬之禮士無表墓之文知而不書我執其咎乃
披典校德謚曰貞晦先生窮徵其實建石於路用告將來
之有識者云爾貞元五年秋八月東平呂某述

呂府君權殯記

缺

錢謙王述古堂藏書

呂和叔文集卷第七

開化圖書館
Kaihua Library

呂和叔文集卷第八

朝議郎使持節衡州諸軍事守衡州刺史上騎都尉

賜緋魚袋呂溫

銘文

傅巖銘 并序

昔殷高宗恭默思道至誠動天天將報之以說為瑞王在於寢降神夢中審形旁求實得於此曾不待敷奏以言明試以功脫刑人之衣便被公衮授受之際君不疑臣不慙大哉邈乎殷之所以興也若非武丁之心周乎天地傳說之德通乎神明何感動訢合如此其易厥後唯文王以兆用太公自漁父而登國師白旄一麾光定天下抑其鄰讟由茲而還莫不先顯後幽右資左德勒以漢秩束于周行

使特達自致之士無聞焉吁可歎也夫以天驥之材而造
父御之則必翼輕軒凌高衢風翔電邁一日千里若制非
其人服非其車忘權竒務牽束挫盛氣頓逸足使遵乎尋
常之躅則終歲疾驅望駘而不及矣遇與不遇又何疑
哉嗚呼見賢非難知之難知之非難用之難用之非難特
達難君人者苟以特達為心假無殷宗之夢必自得說不
然則雖使咎夔稷契盡入其度亦葉公之見龍反疑惧矣
况氤氲之中乎恍惚之際乎貞元九年予自鎬徂洛息駕
於虞虢之間升壇瞰原髣髴其地遠跡雖昧清風若存想
說命三篇幾墜秦火百代之後德音如何乃作銘曰
赫々湯德如火不滅滔々商祚如海不竭發祥播氣世作

聖哲國誕武丁野生傳說始胥靡武丁即昨德通神交
忽夢如悟若帝導我期於顛素有無之間邂逅相遇宵衣
而起爰得其人貌符心冥如舊君臣飛龍在天山川出雲
感激自致其間無因捨築傅巖脫鱗鵬程作霖時和奮楫
川澄金在吾礪木從吾繩君何言哉殷道中興元凱攀堯
微舜曷階阿衡於湯抱鼎徘徊會合之際厥惟艱哉何如
夢中天授神開惟賢是登道貴特達匪次易用才其壅遏
高宗得說乃在恍惚揭銘摘光萬古不沒

望思臺銘

并序

望思臺者漢武帝思戾太子之所建也事具漢書夫立人
之道本乎情性生而知曰性感而動曰情性雖生情情或

滅性是以聖人患其然而為之節誠而明之中而庸之建
以大倫統以至順倫莫極於父子順莫先於慈孝然而全
之者正也慈不得其正則失子孝不得其正則失親救失
之術存乎善教昔者三王之教世子也如周公乃為太傅
如召公乃為太保如太公乃為太師左右前後罔非端士
禮以專其目樂以一其耳仁以制其氣義以凝其情故非
僻之心無自入也讒慝之口莫能間父子君臣之道所以
全也漢則不然世子非三代之賢保傅無二南之老左右
前後惟刑餘罪人目流於靡慢耳溺於恣憊氣溢於寵渥
情蕩於驕奢於是非僻之心得以入矣讒慝之口得以間
矣父子君臣之道所以離矣向使太子師友尊嚴左右端

肅雖江充之詐敢以不義而加之耶向使太子孝德彰聞
仁聲茂著雖武帝之感豈遽以大逆而疑之耶向使太子
早服師訓少知教義豈忍以一朝之忿弃其親而忘其身
耶由是言之其所以陷於此者漸矣殆哉當時之勢也國
忘冢嗣武老昭弱京師喋血天下疑動若無霍光受負圖
之寄秉不奪之節斥昏建明鎮翊洪業則必庶孽尋戈起
商參之禍姦臣秉豐行羿沒之事漢家之厄豈及三七哉
此有社稷者之所宜深戒也乙亥歲予經于湖登茲荒臺
望古太息以為遇夫一物有可以正訓於世者秉筆之士
未嘗闕焉乃作銘曰
人倫大統天性是寶雖曰自然亦資黼藻漢皇父子一失

其道四海為家不能相保荒臺巋而千古之悲悔目空斷
冤魂不歸疑生於微禍積於基苟有明義誰其間之嗣維
邦本本動邪危於呼後王鑒茲在茲

東古周城銘并序

魯昭公三十二年周萇叔合諸侯之大夫城成周衛彪偃
曰天之所壞不可支也萇弘違天必受其咎異歲周人煞
萇弘左氏明徵以為世規俾持顛之臣沮其勝氣非所以
厲尊王垂大訓也予經其地而作是銘
文武受命肇興西土周公作洛始會風雨居中正本拓統
開祚盛則駿奔衰則夾輔平王東遷九鼎日輕二伯之後
時無義聲大夫萇弘言抗其傾坐召諸侯廓崇王城雖微

遠猷實被令名宜福而禍何傷於明立臣之本委質定分
為仁不卜臨義不問無天無神唯道是信國危必扶國威
必振求而不獲乃以死殉興亡治亂在德非運罪之違天
不可以訓升墟覽古慨焉遐憤勒銘頽隅以勸大順

成臯銘

茫茫大野萬邦錯峙惟王守圖設險於此呀谷成塹崇顛
若壘勢軼赤霄氣吞千里洪河在下太室旁倚崗盤嶺巖
虎伏龍起鑠天中區控地西鄙出必由戶入皆同軌拒昏
納明閉亂開治昔在秦亡雷雨晦冥劉項分險扼喉而爭
漢飛鎬京羽斬東城德有厚薄此山無情維唐初興時未
大同王於東征烈火順風乘高建瓴擒建係充奄有天下

顏英
作頌

斯焉定功二百年間大朴既還周道如砥成臯不關順至
則平逆者惟艱敢跡成敗勒銘嶧顏

謁舜廟文

唐貞元年一年歲次乙亥十一月一日東平呂某敢盟沐
齋潔敬謁於帝舜之神恭惟至仁無方大孝不匱德馨升
聞允鑿百揆以聖授聖猶言歷試擇人之君良不可易聖
功無全相待而宣雷驅四凶雲起八元火治陶世瓊璣轉
天垂衣巖廊萬物浩然是稱至理是曰帝者混成雍熙永
錫大嘏乃眷南顧蒼梧之野歸堯鴻名付禹天下茫茫推
遷邈萬斯年三代之後誰為聖賢政如頽波俗若壞山韶
樂猶在薰風不還於戲道有通變事有同異官帝家王隨

時之義揖讓而禪故非力致所以識者存而不議若輔相
之宜裁成之規煥乎文章百代可知九官惟舊七政有彝
弘道在人太平無時如何後王曾莫是思甚易甚簡捨而
弗為歷山巋然河水東注唐虞日遠楊墨誰拒瞻彼清廟
薄言往訴庶幾精誠必我依據俾躍清源俾飛曾雲神行
之道以致吾君不然歸來鳥獸為群敢竭微志託於神明
華山下酌王景略文

唐貞元十二年十一月六日河東男子呂某敬酌于符秦
丞相王公景略之墓昔馬氏暴興世不及三按根河洛遺
枿東南鋸牙霆聲爭逐婪：天下為血晉猶清談帝命景
略被茲文武秉心無親用則為主惟秦悼世求我草莽振

衣投畚起作雷雨雨莫不潤雷莫不震吸涼吞燕爵魏會
晉海蕩風掃天臨嶽鎮功存生人是曰大順武功成矣文
治定矣晏開太平垂及三紀子也無壽秦其不祀日沉天
昏水竭龍死時更運往一作道曆消長屹彼壯骨沉為朽
壤烈氣猶在英風可想雲開華山若見精爽樂毅佐燕功
負其名漢猶求後寵號華成曷如夫子翊運而行廓定八
州澤流群生歷代王者迨我聖明盛德未聞荒墳欲平我
來于東稅駕醜酒才何敢望教亦未偶終其自致窺于戶
牖靈魄若存死為冥友

代齊常侍祭樊襄陽文

維年月日某官某以清酌之奠敬祭于故襄陽節度使右

僕射贈司空南陽樊公之靈惟公直方忠厚沉敏肅給通
如川流守若山立精風方運垂天難戢建中旁求策元帝
聰昌言右掖高步南宮受膺使選將命序戎信在言前知
行誠中消息其用車書以同寇逼漢南乃佐戎律偏師靖
難全功受鉞兵荒之後政克畫一直繩威姦柔轡惠物一
臨荆門再撫峴陽積德逾紀闡然彌彰天不憖遺人之云
亡朝野震悼豈惟一方清永之後獲同王事相府之舉謬
廁公議重以中外綢繆親懿旋觀全才備歸精義交以氣
合情由道至循躬雖虛望古無媿嘗言有德必錫永年元
聖是毗大猷于宣擊壤鼓腹吾將老焉今則已矣誰其問
天日月將葬哀榮式備禮有執紼官無離次闕寢流動哀

何可既遙申薄奠歆此精意嗚呼哀哉尚饗

代宰相祭故齊相公文

維年月日某官某等謹以清酌庶羞之奠敬祭於中書侍
郎平章事太子賓客贈戶部尚書齊公之靈古人所難有
道有時惟公挺生克叶昌期雲引喬幹雷起幽姿禮義誠
衡文章元龜學覩儒奧政為吏師金錡遐音玉立清儀始
踐南宮洎參左掖麾幢符竹禮樂圖籍姜蕤焜耀出入揚
歷晦而逾明虛乃受益爰登大任光贊庶績棟材斯全鼎
味以適道始交泰志惟匪躬方盡嘉猷以奉時雍疾罷私
室寵賓儲宮日奠勿藥再諧至公如何忽焉降命不融竟
孤宸睠誰問蒼穹估早辱見知深契風義孰獲同樞近備

得純懿珣瑜三阿交代鄂則兩掖聯事氣以正合情由道
至視孤有懷慟寢無媿龜兆叶吉素車東轅喉舌追命股
肱殊恩魂留魏闕形返周原凡我寮舊舉觴以言神聽不
昧知余所敦尚饗

祭陸給事文

維貞元元年歲次乙酉十月景申朔十日乙巳將仕郎守
尚書戶部員外郎賜緋魚袋呂某潔樽罍誠敬祭於故給
事中吳郡陸公之靈嗚呼噫噉道之難行古人所悲有時
無人有人無時時可人可則命奪之公初負道年志俱壯
已任致君指掌太平德宗旁求始賓明庭拔乎其倫聿駿
有聲實欲以至公大當之心沃明王之心簡能易知之道

大明主之道難得易失怡然退保或僂僂從事或棲遲却掃二十年間為郎而老嘗言吾雖已矣道不可已永懷其人見而後死某以弱齡獲謁于公曠代之見一言而同且曰子非入吾之域入堯舜之域子非覩吾之與覩宣尼之與良時未來吾老子少異日河圖出鳳鳥至天子咸臨秦階清問理本其能以生人為重社稷次之之義發吾君聰明躋盛唐於雍熙者子若不死吾有望焉某也不佞謬納大賢其何以克塞所知克當斯言姑用紳而書牘而藏傳於子孫為門戶光既而各淪風波秦吾索居某非出處迫肩無餘公乃高翔海郡與道虛徐猶念垂訓研覃厥初作君臣得失之圖成春秋不刊之書今年太皇繼天元聖在

震徵公夕拜侍講古訓皇王秘寶造昔一作而進以石投
水至誠無朕討論未竟公則既病重光昇矣公病不起河
海晏而航楫自隳禮樂作而龜玉先毀與其時而奪其壽
吾未知夫所以嗚呼惜哉某奉使無狀閉留昆夷再換炎
涼言歸未期公方沉瘵忘已之危念我否隔發言漣洏悉
所著書付予稚兒曰道之將興而父其歸懼不果待寓心
於斯似有明神感公所敦窮荒生還僅及公存綿垣在牀
深堂晝昏舉燭開目握手無言自此及終曾未浹辰凡曰
識者孰堪酸辛况予之情豈云他人涕盡一哀痛纏百身
禮不忘本卜歸江濱躬執薄酌心摧氣墮僅見期之言可
徵平生之志獲申呂氏陸氏戚休惟均魂而有知歆之聽

之嗚呼哀哉尚饗

道州祭百姓鄧助費念文

維元和五年歲次庚寅五月庚子朔七日丙午刺史呂某
遣衙前虞侯蔣沼以酒脯之奠告鄧助費念之靈使君受
命牧汝牧汝不能庇護使賊孟鸞等敢作不道酷加殺害
是用疚心疾首萬計計擒廉使仁明不貸亮惡窮泉寃痛
今日方申慙念無及潛然泣下故令於汝沒處陳誠之屍
魂而有知歆此告酌嗚呼哀哉

祭侯官十七房叔文

維元和五年歲次庚寅九月戊戌朔三日庚子堂妹男朝
議郎使持節衡州諸軍事守衡州刺史上騎都尉賜緋魚

袋某鄉貢進士讓致祭十七房叔候官府君之靈私門薄
佑終鮮諸父堂從之內唯叔一人少小相依筆硯同學永
言素契情實兼常早表誠言見託身事官孤力薄卒用無
成慙負幽明興言痛咽叔無胤嗣後效何伸河中大瑩禮
合禮塋祔十五房尚寓淮甸時力未并且於江陵謹議權
厝終期通歲異壤同歸皦日在天誓無二事嗚呼哀哉三
湖三湘前歲共入孤舟單旒今日何之慟訣江津倍增摧
慕式具祖奠伏惟尚饗

衡州柘里渡溺死百姓文

維元和五年歲次庚寅十月戊辰朔十七日甲申刺史呂
某遣故衙前虞候何防以豚酒之奠致祭於蘇昇陳墳李

寬秦陳甫魯餘之靈爾等五人感余誠信力輸公稅爭赴
先期溪山阻深滄潦暴至不忍欺我忘其險艱州令未明
津渡不謹致此淪逝咎由使君興言流涕痛念何及聊伸
薄酌兼致微贈代納殘稅皆余俸錢魂而有知諒此深意
尚饗

呂和叔文集卷第八

呂和叔文集卷第九

朝議郎使持節衡州諸軍事守衡州刺史上騎都尉 賜緋魚袋呂溫

頌讚

凌烟閣勲臣頌 并序

我二后受成命撫輿運轉坤軸撼乾樞鼓元氣而雷域中
騰百川而雨天下雷收雨霽如再開闢蕩焉與太極同功
貞觀十七年太宗以功成理定秉為而不有之道讓德於
祖考推勞于群臣念匡濟於艱難感風雲於疇昔思所以
攄之無窮乃詔有司擬其形容圖畫於凌烟閣者二十有
四人蓋象乎二十四氣之佐天昭勲德也昔者舜以九官
一作致理周以十亂反正高皇以三傑作漢光武以二十
五

八將中興若夫錯綜勲賢籠絡今古雄四代而高視者其
唯聖唐乎至若唐莒公劉渝公之倫探元符建帝圖首戴
神堯舉晉陽而活天下此則大禹之拯溺也魏鄭公以致
君為已任諫若不及謬：左右秉心宣猷此則咎陶之颺
言也虞永興糾合群儒旁求百代明備王禮克諧帝樂使
我大國煥乎其有文章此則夷夔之制作也長孫趙公舉
大義除二亮安宗廟定社稷以振我丕赫無疆之休此則
周公之匡救也英衛受天勇知雄武佐聖鼓行海內麾定
四方此則太公之鷹揚也房杜玄機朗識並運帷幄神發
響效募成天功此則蕭何之指蹤子房之決勝也尉遲秦
程剛毅木訥氣鎮三軍力崩大敵延馬孤劍為王前驅此

卷九

則吳漢之樸忠賈復之雄勇也其餘皆攘棟殊材黼黻異
 制儔諸古烈罔有慙德皇王之際於斯為盛其始也文為
 經武為緯智斯作忠斯述其末也大不偏小不遏退者全
 來者達控而縱之使自用之推而引之使自盡之不設籠
 檻以觀遼廓之致不煩韁鑠以極權竒之變執一德而衆
 力展懸大信而群情竭高祖聚之以義太宗用之以道高
 宗終之以仁傳聖萬代享其功利此非盛歟此非盛歟昔
 陸機袁宏為晉人而歌功於漢魏作者猶或稱之况乎遊
 聖代觀國光目睨凌烟而頌聲不作其不揣賤劣有疊一作
 斐然之志輒盡所蓄各為讚一章上以見王業之艱難中
 以明聖賢之相須次以朗前哲之光韻末以聳後人之誠

節侯君集張亮負勳跋扈自陷大逆敢沒其名用彰天刑
使伐勞懷貳者懼春秋之義異姓為後故以河間元王為
讚首云

河間王孝恭

太極構天本由一氣大人創業資我族類堂堂河間仁勇
是經適駿有聲為唐宗英暴情天亡群盜猖狂我代用張
時惟哲王武有烈光為爪翼肺腸經綸八方自南徂東晏
侮登江平蕭佺
輔公祐使父兄帝天下化家為邦用竭爾力寵臻
其極言不代色不德以遜以默柔嘉惟則佐高祖建大勳
如周旦與與太宗守大成如漢閻平宜君宜王盤石無疆

房梁公玄齡

排粹
作謁

心雖粹
作雖忘

梁公先覺龍卧待君長
 慧流光掃天布新義師
 雷與公躍其鱗杖策千
 里來排帝閣婉梁公實
 懿實聰實光實融羽義
 翼忠若鸞若鴻大風動
 地儒服從容靜運宵中
 弛張折衝左右太宗夷
 屯廓蒙定高祖功告武
 成翊開太平我心雖勞
 時靡有爭網羅遺賢推
 轂群英玉不韜輝蘭無
 沉馨飛鴻出冥振鷺在
 庭濟多士太宗以寧公
 無事矣闕袞有補惟仲
 山甫經營四方方叔邵
 虎大邦鈞軸至則委汝
 閑居台輔撫默自處亦
 莫敢余侮高朗令終嗚
 呼梁公

杜萊公如晦

穆、萊公竒姿粹靈蘊元和氣為大國禎乘時能恢唐室

口又集卷九

大開故人相携公與房梁公同直上泰階更為陰陽迭作

日月佐明四方贊育萬物王度是欽如玉如金德音愔

萬有千古永稱房杜如周申甫

魏鄭公徵

堂、魏公崇節大志喬幹直聳摩天自致遭風雲時得霸

王器一言委質有死無二撫我則后冬盡其志嘗仕李密

沉浮變通龍戰既息皇建其極俾補衮職其繩則直諤

嶷、危言正色保太宗德弼違替否日月不蝕黜漢霸雜

行周王道人或言秉德不撓與封德彝禮興樂崇德洽道

豐保合大和昭明有融起四年中復三代風言出化成神

哉厥功尹躬佐商有恥于湯公以其心匡扶聖唐為唐宗

扶粹
作飾

錢遵王述古堂藏書

臣致唐無疆致唐無疆永式萬邦

長孫趙公無忌

趙國之先發祥朔土乃祖乃父受天之祐有女而聖

文德皇后

為天下母有子而賢為唐室輔聖賢同氣千載一覩不顯

趙公允武允文克忠克仁實有大勳高祖受命太宗歸尊

翼乾恪居於藩群孽亂嗣爭窺神器鴻萊將墜公揭

大義一匡天地人到於今家受其賜帝將傳聖爰有顧命

汝忠汝誠莫與汝京與我聖子守唐太平公相高宗有太

宗遺風刑措財豐八荒來同和氣大融妖星襲月禍起中

宮公將正之以王帝躬

武氏謀位力爭

力屈群邪誠阻天聰黜

非其尤令聞無窮

唐莒公儉

歲寒陰凝冰雪皚，有鳥擇木先陽春。來誰與莒公王佐
之材間，運未開登潛龍臺。代萬姓請命與天為媒，扶龍而
興，振起雲雷。權輿帝圖，經始唐基。始覆一簣，勃然魏、易
失曰：時難知，惟幾知。幾其神，莒公元勳。

劉渝公政會

河出崑崙來潤中，夏連山合沓橫擁其派。巨靈勃然手拆
太華，決流東注。功並造化，粵我聖唐。將舉晉陽，帝命是將
往拯溺于四方。亦既載旆，亦既秉鉞。強兇當路，王威高拒
不得發。渝公慷慨感義，激節用奇制變。大事立決，雷奮電
越。天衢八達，則莫我敢遏。如巨靈破山河勢，始豁赫矣。渝

拆粹
作孽

公與神齊烈跡如仙掌炯々不滅

李衛公靖

有隋之末群盜熾熈帝怒震發五星從太白煥昭參野將
有聖人兵定天下金精下射猛毅感激李公矯々從此奮

跡躍于中原王者則獲壯士不死

初公不利於我帝欲戮之壯其言而免壯士公

自稱唐威載赫帝曰汝傑致天之罰手付金鉞俾往式遏不

庭則煞如颶發々如火烈々摧枯爍雪應鼓如截遠若荆

巫險若江湖強若匈奴莫不率從莫不震恭平書混同氛

稷蕩空衛侯之功功則誰何威明惠和策勇駕智長驅仁

義仁義曠蕩帝王之將萬古曷瞻鐵山巉巉

詔築墳闕象鐵山積石山

李英公勣

李英公勣

橫流莫極大亂無象英公傑出應運為將與楚、霸與漢

漢王天時人事隨我所向長蛇縱壺王東據河洛婁、封

豕建德來濟同惡號吼連聲如雷如霆萬里震驚時維英公

諒我太宗斬豕以鉞取蛇于穴群穢殄滅乃定九鼎乃開

明堂奄有大邦金甲同光告成于皇太宗獻捷于高祖與勣俱擢金甲為上下

將皇業用昌帝命英公北伐獫狁雷鼓殷々旄頭幾殞掃

雪黑山布唐陽春五原草綠不見南牧島夷未庭天子親

征其鋒維英莫拒莫抗是震是蕩破東海浪天下既和解

鞍投戈衮服委蛇華髮皤々終始三朝無玷可磨

劉夔公弘基

夔公崢嶸金虎之精應時而生與運俱行摠帝元戎震唐

錢遵王述古堂藏書

鑠粹
作鑠

雲粹
作雷

平粹
作定
山粹
作生

天聲瞋目張膽前無金城別建龍節中分虎旅啟行萬里
乘氣一鼓劍揮雷霆布卷風雨先馳威陽鑠定天府天府
既定唐集大命入陽王庭出權兵柄薄伐獫狁風不競
征徂島夷東海如鏡義始忠卒元勳之盛

長孫邛公順德

泰山未明雲鬱幽崖日觀赫開舒為丹霞昔我大原賢傑
潛屯帝出於震爍其盈門邛公炳焉寔耀其間功參造物
謀協先天執爰前驅捧轂南轅以勞以舊佐命之元

虞永興公世南

英、永興華德素行以文富國以道佐命天下既平為唐
儒宗東觀石渠始出古風乘精驛恩假道書圃馳騁百代

如...
...
...

六

出入三古問義皇心聽堯舜語歸來帝側獻可替否帝告
永興與鴻碩之倫闡六籍三墳建樂章禮文先師是宗先
聖是崇於廓辟雍辟雍沉、天子所臨或絃或歌講古述
今其徒八千纓弁森、獫狁羗孽咸詠德音羽林孤兒亦
垂青襟洋、聲教無遠不洎日月所照皆成文字鬱開古
始掃蕩澆季寔我群儒成太宗之志英、永興宜曰文懿

公謚

尉遲鄂公敬德

洸、鄂公百鍊龍鋒沉翳未宣氣衝斗間佩非其人

初事宋金

剛躍入大川神武獲焉提之上天天地之內指麾無前熊
威虎力隱居敵國剛毅木訥安劉必勃武德之屯手技禍

根掃除氛昏捧出白日耀于天門功成名遂高謝戎事烈
烈猛志化為和氣深地高堂頤性保常屑瓊飲露靜奏清
商商為臣勵事君鄂公之志之仁

貞觀後公不交人事常鍊氣服食奏清樂商以

自泰

蕭宋公瑀

隋氏不君忠賢莫用桐生朝陽有集惟鳳捨彼頽厦鬱為
新棟路車玄袞開國有宋武德之暮群孽內蠹魏、宋公
聳節高步不吐不茹不來不去屹岬中立為天一柱從容
而言社稷遂安持誠秉忠光輔二君激濁揚清欲人如身
道至廣莫我敢群境至大不容纖塵雪山倚空冰壑照人
耿介絕鄰為唐貞臣

屹岬
作此
粹

鄰粹
作倫

張郟公公謹

有倬郟公屹々而貞洸々而仁寔太宗信臣太宗守藩內
難未夷圖之則安捨之則危帝臨安危機以懼以疑以著
為有知是筮是咎郟公嶷然排闥折著抗憤正詞用人事
定天意身為元龜不知不識順義之則以定社稷郟公之
力公之云亡帝念其勤若痛在身天懷發中哭不避辰君
臣之間夔古未聞

屈突蔣公通

五運相推土火革期隋化為唐忠臣不知猶驅義徒奮拒
王師指心誓天摩頸待時人歸有德四海皆叛春日滿川
孤水未泮亡家狗國方寸不亂力屈勢窮排空落翰東南

血粹
作聲

行粹
作仁

慟哭血盡魂斷杖忠就擒萬國瞻漢帝曰通通古之烈士
孝于其親誰不欲子俾侯于蔣授以師紀感恩不死宣力
如彼佐唐扶隋多教之美

高申公士廉

維嶽降神佐唐生申忠貞自天孝友如春德為邦基行厚
人倫肅、雍、真王者臣慶因歸妹光延天配文德皇后
婚媾之中雲龍潛會建公南海廓我無外諒我撥亂弼文
開泰邊彼庸蜀薦鍾澆季文翁之化若掃於地申公攸徂
有教無類父子兄弟望風相媿勃興儒雅大復禮義西南
頌聲到今未墜名登元勳理冠群吏全材大器於礫厥懿

殷鄭公開山

高申公士廉

温、殷公初若懦夫銅印試吏褒衣為儒大風驅雲忽與
之俱連逢真宰參造化暮天地既闢厥功有赫從王龔行
佐帝光宅遠展驥足高憚鳳翮以永終譽垂于竹帛

秦胡公叔寶

洛汭之役龍戰未決

我師與王充陣於九江

秦公應變臨陣電掣銳

氣盡來戎盈彼竭成敗反掌存亡奄忽虎來風壯鼉轉山
沒遂作心膂爰從討伐崩圍陷陣火迸冰裂翕如鄂聳縱
若鯨突功成國定萬古壯骨

程盧公知節

盧公倬然動軼幾先轉禍為福

與秦胡公降於九曲

攀龍上天續翻

鵬翼積風乃聳桓、將軍大敵則勇雷崩山谷貔虎頓伏

颺到溟波鯨鯢蹉跎見危而進當死不讓干城三朝身老
氣壯

段褒公志玄

褒公虎臣先運而臻謁帝太原許唐與身擁劔駕氣騰風
躍雲積忠累仁光有厥勳建旆北伐細柳宵屯風謐霜凝
嚴局達晨天子之使駐車軍門軍屯蕭章門外壁安衆秉
威此真將軍洸、桓、克壯有聞

許譙公紹

群動相食血流中原譙公夷陵豺虎與鄰列境連城火炎
烟昏皎其一邦如玉不焚三光忽開萬家皆新誰有天下
平生故人公與高祖有舊引忠歸誠豹變蠖伸金石之契移為君

名知叔集卷九

九

臣奕、煌、為龍為光元戎啟行大旆、式遏大江、奄
征南方、恩斯勤斯、兩不可忘

皇帝親庶政頌 并序

臣聞光宅大寶、茂育群生、神而明之、必在上聖、然則所同
者、道所異者、時或以垂拱仰成、或以勵精自致、及乎俗躋
仁壽、理洽時雍、弛張之政、不殊勞逸之功、則倍我皇帝體
至化、含元精苞乾剛、履坤順誕膺駿命、恢纂鴻休、宣八聖
之重光、集百靈之奧祉、如天之燾如地之容、鼓義為雷霆
奮仁為風雨、幹璿衡而轉七曜、懸金鏡而納九圍、廓氛沴
而川澄、沓禎祥而山委、昔軒轅氏斬蚩尤、滅火帝功至大
矣、若非杖風后之助、受玄女之符、未能尅也、陶唐氏誅四

罪定水災德至厚矣若非大舜之登庸伯禹之盡力未能
成也湯以伊尹為相始定殷功武以太公為師乃康周道
高祖紹復資傳說啟沃之言宣王中興賴山甫將明之政
今陛下大康四海雄軼二紀百姓不知其日用群臣無望
於清風而乃業邁乎前王功高乎古烈聖作物覩孰知其
源竊以管窺天倪羲挹溟量庶乎大畧可得而言焉陛下
自代天統物之初則以屈已濟人為意度臨庶政躬摠萬
樞四冊賢良六親郊祀勤恤於理本盡瘁於生靈詳曠代
之所未詳慮列辟之所未慮夏景大而方食寒星在而求
衣寸陰不捨於論思子夜猶觀乎啟事除一物之患而品
類獲安伸匹夫之冤而庶獄自息棄瑕而錄用含垢而宥

大應
作晏

過小善可紀必拔於宸衷片言有孚不忘於睿聰至如天
時之豐約地利之夷險邦賦之盈虛師律之貞暴閭閻之
疾苦稼穡之艱難人風之情偽吏理之得失莫不密歸神
筭潛納皇明雖陰陽不能以氣欺雖鬼神不能以形遁何
細而不及何大而丕苞何秘而不彰何難而不就猶復登
臺念在陰之慘聞樂思向隅之情御裘感短褐之寒臨膳
愛單食之餒日慎一日既泰而不自泰既安而不自安兢
兢乎業、乎此其所以廣運而有成全功之克舉者也然
而感覆燾之恩者欲天之彌高荷容載之德者欲地之彌
厚仰照臨之明者欲日月之彌光微臣被淳風飲玄澤親
挹行事目覩升平憂勞誠難願陛下勉之而已美善誠至

願陛下保之而已若夫雖休勿休玄默優柔君上之體也
適觀厥成蹈舞頌聲臣下之職也為而不有德莫至焉知
而不稱罪莫大焉臣某敢昧死再拜稽首獻皇帝親庶政
頌一首其詞曰

出師邁德玄元儲慶幽而復曜高祖受命貞觀致理開元
殷盛艱而復康皇帝親政受命繼何邈萬斯年親政維何
夕惕乾：天道福謙我則奉天人生在勤我則率先憂堯
之心勞禹之形求人之瘼思國之經年亦豐止御膳不馨
夜如何其皇寢未寧偃武修文太和氤氳海不揚波天無
纖氛鳥章之長推髻之君會朝明庭其從如雲魏：崇：
於穆昭融宜播大樂以宣皇風鏗鏘盛德蹈舞神功下臣

作頌永示無窮

狄梁公立廬陵王傳讚 并序

梁公以武氏篡盜國命如綴翊安宗社非我而誰是用蒙
大耻履大險聳節振義以持世心開高祖天下於方寸之
地盜力雖盛莫之敢闕唐復為唐繫公是賴後代昧者頗
歸功公五臣殊不知五臣之功公所授也客有以李北海
所傳示予者述廬陵廢立之際見公如生貽諸將來可以
不惑敢摠憤而讚之詞曰
於休梁公社稷之臣濡跡應變與唐屈伸妖虹橫天鳴牝
專晨獨立大道指南生人闔闕有期命先戎時乃建國本
代天張機取日虞泉浣光咸池潛授五龍夾之以飛臨終

欽定四庫全書

指麾皇業再基運起身後功成不知穆若清風嶷然宏規
凡為臣者可不度思

張荊州畫讚并序

以粹
作謂

中書令始興文獻公有唐之鯁亮臣也開元二十二年後
玄宗春秋高矣以太平自致頗易天下綜覈稍怠推納寢
廣君子小人摩肩于朝直聲遂寢邪氣始勝中興之業衰
焉公於是生人為身社稷自任抗危言而無所避秉大
節而不可奪小必諫大必諍攀帝檻歷天階犯雷霆之威
不霽不止日月幾蝕為公却一作却明虎而冠者不敢猛
視群賢倚賴天下仰息廩乎千載之望矣不虞天將啟
幽薊之禍俾姦臣乘釁以速致戎詐成讒勝聖不能保禡

多和叔集卷九

七

害英
作害

我公衮真於侯服身雖遠而諫愈切道既塞而誠彌堅憂
而不怨終老南國於戲功業見乎變而其變有二在否則
通在泰則窮開元初天子新出艱難久憤荒政樂與群下
勵精致理於是乎有否極之變姚宋坐而乘之舉為時要
動中上意天光照身宇宙在手勢若舟楫相得當洪流而
鼓迅風崇朝萬一作里不足怪也開元末天子倦於勤而
安其安高視穆清沛然大滿於是乎有泰極之變荊州起
而扶之舉為時害動拂上欲日與讒黨抗衡于交戟之中
勢若微陽戰陰衝密雲而吐丹氣歛耀而滅又何歎乎所
痛者逢一時事一聖踐其跡執其柄而有可有不可有成
有不成况乎差池草茅沉落光耀者復何言哉復何言哉

銘英
作讚

曹溪沙門靈澈雖脫離世務而猶好正直攜其圖像因以
示予余觀而感之乃作銘曰

唐有棟臣往矣其邈世傳遺像以覺後覺

學一作

德容恢晏

天骨峻擢波澄東溟日照太岳具瞻崇一起敬起忠貌與
神會凜然生風氣蘊逆鱗色形匪躬當時曲直如在曾中
鯤鱗初脫激海以化羊角中顏摩天而下無喜無愠亦如
此畫嗚呼為臣倣爾夙夜

續羊叔子傳讚

天厭鼎峙蜀滅魏改錫晉羊公以同四海儒衣登垓嶽鎮
荆蠻十萬之衆從公而開逍遙峴陽傲視勅敵用人為間
出入無跡吳國雖守吳心已降吞於胸中不見大江勤物

忘已樂天知命留功遺人國愈身病江漢舊域德膏潛蒸
化行兵中兵息化興策雖平吳道不相晉永嘉南遷豈曰
泯泯

藥師如來繡像讚 并序

藥師如來像者余妻蘭陵蕭氏之所繡也貞元二十年余
奉德宗皇帝之命西使吐蕃辭高堂而出萬死介單車而
馳不測國故遽至戎情猜閉坎險一遇星霜再周夫人盟
饋之餘膏鉛不御日亂蓬首坐銷薜華異域無期良時自
晚始怨冬缸之久而紅芳已闌方苦夏景之長而碧樹將
落書委塵篋跡淪苔堦漸昧音容孰知存沒曠龜不告因
夢難徵觸慮成端沿情多緒黃昏望絕見偶語而生疑清

匪英

作廉

東英

作西

樂英

此下

有藥

師二

字恒

英作

河衆

生英

作羣

品像

英作

相續

英作

績染

英作

洗月

感英

作贊

旭意新聞疾行而誤喜循環何極刻舟匪尋浩隔理求宵
 非計得如聞東方有金界極樂大雄散琉璃之寶光照恒
 沙之國土能度衆生出諸幽厄一念必應萬感皆通是用
 濬發慧根妙求真像斷鳴機躬織之素染懿筐手續之絲
 盡瘁莊嚴彰施綵繡纏苦心於香縷注精意於針鋒指下
 而露染青蓮思盡而雲開白月然後練時潔室華設珍供
 夕炬傳照晨爐續煙齊獻至誠泣敷懇願遂得慈舟密濟
 覺路潛引當道場發念之日是荒裔來歸之辰幽感冥符
 一何昭焯乃知織迴文之錦無補離憂登望歸之臺空為
 廢日與夫心諧妙理手結勝因進則有濟渡之功退不離
 清淨為本從長擇善豈同日而言哉余感其志効爰用贊

卷五
 二

身念
身念
身念
身念
身念
身念

叙雖在妻子亦無媿詞藏諸閨門永以傳信讚曰

地萬里兮天一極往無由兮來不得解脫願兮慈悲力五

色繡兮黃金飾澄氛昏兮圓相開湛水月兮蓮花臺慈眼

睜兮獷心迴死別離兮生歸來海為田兮劫為灰身念念

兮無窮哉

呂和叔文集卷第九

錢遵王述古堂藏書

開化圖書館
kaohua lib

呂和叔文集卷第十

朝議郎使持節衡州諸軍事守衡州刺史上騎都尉 賜緋魚袋呂溫
雜著

功臣恕死議

昔衛蒯聚以竊國之詐盟其陪臣服冕乘軒三死無與近
代惑者為因口號於是乎有功臣恕死之典考諸古訓其
異端歟稽諸時事其亂本歟何者有國之柄莫大乎刑賞
人生有欲不可以不制天討有罪不可以不刑蓋刑者聖
王時以佐道德而齊天下者也功濟乎物不可以不賞
勸乎功不可以不信蓋信聖王所以一號令而惇天下者
也然則恕死之典弃信而廢刑何以言之夫立功者自八

元十亂之後非盡能賢或有起屠販壘畝行陣之間乘帝
王應天順人之勢用力無幾遂貪天功超騰風雲各得變
化率勞怙寵屈強自負僭冒無厭見利忘義是宜崇威峻
法大為之防而反冊書鐵券許以不死其功大者可以五
作亂而十犯上孰不以暴為無傷乎且人君之言如漁汗
不反既與之要天地誓河山卒倉忽反一旦失馭有黥韓之
罪神怒人怨不得已而誅是弃信也若恣行克險隳突憲
綱或姦鋒將發疊逼宗社乃念斯言之玷忍而不誅是廢
刑也向者纔得其塵涓之効螢燭之助而信弃刑廢將焉
用之使賢而有功驚寵懼滿自居無過之地何怒死為使
愚而有功已小人不幸又告以無死是憎驕而啟姦適所

謂賞之禍也雖恕之死其能免乎夫其賢如太公忠如伊尹唯君知臣可以勿貳而遽宥以死罪是疑其不終非所以待之以誠而盡君子之心若乃猶如狗盜庸如黥徒未有罪而先恕之死是不許其慕生廉恥自周名節非所以導之以德而勸小人之善也以為明君之處勞臣也安之以爵祿護之以紀律明之以好惡聳之以禍福使得遷善遠罪保勲全名剖符傳慶與國終始恩斯勤斯是亦極矣奈何撓權亂法以罪寵人墜信賞必罰之典虧昭德塞違之道恐非哲王經邦軌物之制也謹議

復漢以粟為賞罰議

議曰先王賞以飾喜罰以飾怒喜必待功而賞不潛行怒

苟得罪而罰無輕赦其來尚矣漢氏雜霸道而隳王制昧
宏規而徂小利俾其納粟除罪拜爵以罰人則廢法以賞
人則廢功以儲蓄則廢本是沮勞惠姦而怠弃南敵也何
以言之惟名與器不可假人而班爵於并兼之家折圭於
滯積之室使屠沽賤隸凌駕英豪苟有懷於庶耻之心豈
復致患難之死雖月要天地日誓山河而賞不足以勸矣
天討有罪刑茲無赦而撓權於殘賊之徒屈法於姦宄之
黨使凶人酷吏言暴無傷苟開必免之門孰懲罔極之惡
雖臨以斧鉞驅於鼎鑊而刑不足以威矣且朝縻好爵以
粟授受國有常刑以粟出入貪利愛生之孰不願空壠畝
而貿圭組竭倉廩而救死亡拜爵者坐等封君遂忘其本

業免罪者室如懸磬曷保其生聚雖使三公九卿躬執耒
耜而畜不可以務矣於戲賞罰者長人之大柄農畜者有
邦之永圖忽而弃焉曾不是念而利乎國儲之斲實兵食
之僅濟其何補歟然而漢承秦弊中國耗弱高惠務厥完
緝孝文守以恭儉德未浹于海外威乘行于四夷邊候猶
聞擊柝戎士不得解甲晁錯是以有權宜之對救弊之術
偷利於當代利成于一時雖曰有因而為終貽識者之誚
國家體元立極繼天而作騰軼殷周紹休唐虞率戎蒸人
登於壽域王一變至於帝帝一變至於皇非正大之慕不
聽非盛德之事不問焉有習近古之失策採庸臣之詭論
者哉必患國廩猶虛邊餽未繼莫若興李悝之平糴務充

國之屯田練將簡兵以省軍費輕徭薄賦以悅人心東作
一興西成再秩則太倉之蓄如京矣塞下之稼如雲矣亦
何必虧昭德塞違之道墜信賞必罰之典恐非聖唐經邦
軌物之制也謹議

人文化成論

易曰觀乎人文以化成天下能諷其言蓋有之矣未有明
其義者也嘗試論之夫一二相生大鈞造物百化交錯六
氣節宣或陰闔而陽開或天經而地紀有聖作則寔為人
文若乃夫以剛克妻以柔立父慈而教子孝而箴此室家
之文也君以仁使臣臣以義事君子違汝弼獻可替否此
則朝廷之文也三公論道六卿分職九流異趣百揆同歸

此則官司之文也寬則人慢糾之以猛猛則人殘施之以
寬寬以濟猛猛以濟寬此刑政之文也樂勝則流過之以
禮禮勝則離和之以樂與時消息因俗變通此教化之文
也文者蓋言錯綜庶績藻繪人情如成文焉以致其理然
則人文化成之義其在茲乎而近代諂諛之臣特以時君
不能則象乾坤祖述堯舜作化成天下之文乃以旂裳冕
服章句翰墨為人文也遂使君人者浩然忘本沛然自得
盛儀威以求至理坐吟詠而待太平流蕩因循敗而未悟
不其痛歟必以旂裳冕服為人文則秦漢魏晉聲明文物
禮縟五帝儀繁三王可曰煥乎其有文章矣何衰亂之甚
也必以章句翰墨為人文則陳後主隋煬帝雍容綺靡洋

溢編簡可曰文思安安

下安字一作矣

何滅亡之速也覈之以名

義研之以情寔既如彼校之以今古質之以成敗又如此傳不云乎經緯天地曰文禮不云乎文王以文理則文之時義其大矣哉焉可以名數末流雕蟲小技廁雜其間也

三不欺先後論

昔宓子賤為單父也人不敢欺之國僑為鄭也人不能欺之西門豹為鄴也人不敢欺之此皆為政不同同歸于理作幹事之稱首貽牧人之經範汪洋古今輝焯圖史窮理而語故有優劣擇善而行豈無先後請試論之子賤仕哀亂之魯而邑偏強齊仗義為城池倚仁為干櫓當鯨吞之大敵鳩狼顧之遺黎渙離形檢妙用心術惠訓不倦乃無

得而稱視民如傷而不有其愛感而動之陰陽運於無言
誠而明之日月懸於方寸是則不求欺於人而人不忍欺
矣子產攝晉楚之間而靖恭爾次役智利物飾躬勵俗守
之以信行之以禮告之以慈惠臨之以明察如鏡洞照如
衡誠懸是則求人不欺而人亦不能欺矣西門當戰國之
初而克修茂績身有紀律言有典章剛包其柔威克厥愛
權之以法制董之以刑罰火烈人望霜清物心是則責人
不欺而人固不敢欺矣夫不忍欺者至誠潛感是曰上德
堯舜之吏也不能欺者明智旁達是曰有政三王之吏也
不敢欺者嚴威允濟是曰能刑五伯之吏也誠不足至於
智智不足至於威大小之間朗然可見然而事在折衷理

資漸致德宜全舉道貴兼通必也修誠而弃智誠未至而致理或虧任智而廢威智未周而暴亂將起不若摠而行之迭收其效一之日二之日刑明威立使人畏而不敢欺三之日四之日智達政成使人敬而不敢欺五之日六之日志孚誠格使人感而不敢欺以寬濟猛同二氣而和平自邇陟遐比三才而具美苟非全德大器其孰能至於此乎若不暇會其源流統其宗極而姑定優劣直論先後則堯舜之吏與王霸不同年而語矣

魏州三堂記

應龍乘風雲作雷雨退必蟠蟄以全其力君子役智能統機刷退必宴息以全其性力全則神化無窮性全則精用

不竭深山大澤其所以蟠螭乎高齋清池其所以宴息乎
魏州三堂者君子宴息之境也開元初天子思二南之風
並選宗英共持理柄魏大而近匪親不居時惟五王出入
相授承平易理逸政多暇考卜惟勝作為三堂三者明臣
子在三之節堂者勵宗室克構之義豈從造適寔亦垂訓
居德樂善何其盛哉然當時漢同家人魯用王禮棟宇制
度非諸侯居後刺史馬君錫因其頽墜始革基構豐而不
侈約而不陋以琴竹詩書之幽素易綺紈鍾鼓之繁喧雖
林池煙景不讓他日觀其廣踰百畝深入重扃迴塘屈盤
沓島交映溟渤轉於環堵蓬壺起於中庭浩然天成熟曰
智及春之日衆木花拆岸鋪島織况浮照耀其水五色於

是乎襲馨擷竒方舟逶迤樂魚時翻飄藥雪飛沂公環迴
隱映差池咫尺迷路不知所歸此武陵仙源未足以極幽
絕也夏之日石寒水清松密竹深大柳起風甘棠垂陰於
是乎濯纓漣漪解帶升堂畏景火雲隔林無光虛甍沉
皓壁如霜羽扇不搖南軒清涼此則楚襄蘭臺未足以滌
炎鬱也秋之日金飈掃林蒨鬱洞開太華爽氣出關而來
於是乎絃琴端居景物廓如月委皓素水涵空虛鳥驚寒
沙霜滴高梧境隨夜深疑與世殊此則庾公西樓未足以
澹神慮也冬之日同雲千里大雪盈尺四眺無路三堂虛
白於是乎置酒褰帷憑軒倚楹瑤階如真玉樹羅生日暮
天霽雲開月明冰泉潺湲終夜有聲此則子猷山陰未足

以暢吟嘯也於戲不離軒冕而踐夷曠之城不出戶庭而
獲江海之心趣近懸解跡同大隱序閱四時之勝節宣六
氣之和貴而居之可曰厚矣若知其身既安而思所以安
人其性既適而思所以適物不以自樂而忽鰥寡之苦不
以自逸而忘稼穡之勤能推是心以惠境內則良二千石
也方今人亦勞止上思又息州郡之選重如廷臣由是南
陽張公輟揮翰之任受剖符之寄遊刃而理此焉坐嘯靜
政令若水木閑人民如魚鳥馴致其道闇然日彰小子以
通家之愛獲拜牀下且齒諸子侍坐于三堂見知唯文不
敢無述捧筆避席請書堂陰俾後之人知此堂非燕遊亦
可以觀清靜為政之道云云

諸葛武侯廟記

天厭漢德俾絕其紐群生墜塗四海飛水武侯命世寔念

皇極魏姦吳輕去聲未獲心膂晉字南陽堅卧待主三顧稍

晚群雄初定必也慧掃是資鼎立變化消息謀成掌中戰

龍玄黃再得雲雨于是右揭如天之府左提用武之國因

山分力與水合勢蟠亘萬里張為龍形亦欲首吞咸鎬尾

東河洛翼出中夏飛于躍一作天衢然後魚驅勾吳東入晏

海大勳未集天奪其魄至誠無忘炳在日月烈氣不散長

為風雷英雄痛心六百年矣於戲以武侯之才知已付託

土雖狹國以勤儉富民雖寡兵以節制強魏武既沒晉宣

非敵而戎車荐駕不復中原或曰竒謀非長則斬將覆軍

心膂下粹
作南陽堅
卧待時而
起稍粹作
雖初粹作
粗

無虛舉矣或曰餽糧不繼則築室反耕有成筭矣嘗試念
之頗頥其原夫民無歸德以為歸撫則思虐則忘其思也
不可使忘其忘也不可使思當漢道方休哀平無罪王莽
乃欲憑威寵造符命脅之以威動之以神使人忘漢終不
可得也及高光舊德與世哀遠桓靈流毒在人骨髓武侯
乃欲開張季世興振絕緒諭之以本臨之以忠使人思漢
亦不可得也向使武侯奉先王之命告天下曰我之舉也
匪私劉宗唯活元元曹氏利汝乎吾事之曹氏害汝乎吾
除之俾虐魏偏從之民聳誠感動然後經武觀釁長驅義
聲咸洛不足定矣奈何當至公之運而強人以私此猶力
爭彼未心服勤而靡獲不亦宜哉乃知務開濟之業者未

能審時定勢大順人心而克觀厥成吾不信也惜其才有
餘而見未至迷於遺廟以俟通識唐貞元十四年七月二
十五日東平呂某記

道州刺史廳壁記

附刺史河南元結字次山撰

天下太平方千里之內生植齒類刺史能存亡休戚之天
下兵興方千里之內能保黎庶能攘患難在刺史耳凡刺
史若無文武才略不清廉肅下若不明惠公直則一州生
類皆辱災一作受其害於戲自至此州見井邑丘墟生民幾盡
試問其故不覺涕下前輩一作政刺史或有貪猥昏弱不分
是非但以衣服飲食為事數年之間蒼生蒙以私欲侵奪

李下粹有
二公二字

兼之公家驅迫非姦惡強富殆無存者問之耆老前後刺
史能恤養貧弱專守法令有徐公履道李公廩而已徧問
諸公善或不及徐李惡有不堪說者故為此記與刺史作
戒自置州以來諸公改授遷絀年月則舊記存焉

道州刺史廳後記一首

壁記非古也若冠綬命秩之差則有格令在山川風物之
辨則有圖謀在所以為之記者豈不欲述理道列賢不肖
以訓于後庶中人以上得化其心焉代之作者率异于是
或誇學名數或務工為文居其官而記者則媚已不居其
官而代人記者則媚人春秋之旨蓋委地矣賢二千石河
南元結字次山自作道州廳事記彰善而不黨指惡而不

誣直舉胷臆用為鑒戒昭也吏師長在屋壁彼貪虐放肆
以生人為戲者獨不媿於心乎予自幼時讀循吏傳慕其
為人以為士大夫立名於代無以高此前年冬由尚書刑
部郎中出為北州雖苦劇自課而未能逮其意也往刺史
有許子良者輒移元次山記於北牖上而以其文代之復
亦有時號君子之清者蒞此孰視焉而莫之改豈是非之
際如其難乎予也魯安知其他即今圻而書之俾復其
舊且為後記以廣次山之志云

湖南都團練副使廳記

湘中七郡羅壓上游右振犂蠻左馳馭越控交廣之戶牖
擬吳蜀之咽喉翼張四隅襟束萬里半天下安危係焉聖

唐理雖偃草制不去備消息變化必惟其時由是剖分荆
衡復古南鎮控其兵徒而重其統帥易其將校而難其叅
佐所以顯仁藏用明道晦權成師於禮樂之中講武於文
章之內雍容易簡四十餘年名跡風流冠於當代始則裴
諫議虬以逸材竒略傲視而靜荒寇次則趙相公璟以高
標雅望鬱起而為國楨其餘馮郎中嶷之碩重房容州孺
復之英達鄭評事冽張著作季文之美秀洎張和州惟儉
盧侍御澥佐我先大夫宣慈明允寔有成績是皆焯於朝
論清在人謠者矣元和三年冬天子命御史中丞隴西李
公以永嘉之循一作清政京兆之懿則廷賜大旆俾綏衡湘
威如秋霜無私凋惠如太陽無私煦用人如止水無私鑒

始下車表前副使殿中侍御史扶風竇君常以本官復職
於是監察御史河南穆君寂河內司馬君紆范陽盧君璠
太常協律郎河東范君存慶前咸陽尉吳郡顧君師閔前
太子正字隴西李君礎前太常寺奉禮郎京兆杜君周士
前延陵縣尉同郡杜君賞群材響附各以類至文雅器用
歲餘大備錯金碧於晴壑絳孔翠於春林遐邇翕然稱為
盛府中行感會知已竭其誠能黃鍾音韻調於嶰谷之竹
太阿鋒鏑拭以華山之土其集鸞鳳斷犀兕不足恠也竇
氏伯季同時七人一居方伯二列華省四在諸侯之館名
教之樂縉紳慕焉以某近守支郡且知故寔得請連帥俾
書公堂媿於不文安敢堅讓元和五年七月五日東平呂

某記

吕和叔文集卷第十

開化圖書館
kaohua library

錢謙益述古堂藏書

開化圖書館

Kaohua library

故衡州刺史東平呂君誄

柳宗元

維唐元和六年八月日衡州刺史東平呂君卒爰用十月二十四日槨葬于江陵之野嗚呼君有智勇孝仁惟其能可用康天下惟其志可用經百世不克而死世亦無由知焉君由道州以陟為衡州君之卒二州之人哭者逾月湖南人重社飲酒是月上戌不酒去樂會哭於神所而歸余居永州在二州中間其哀聲交于北南舟船之下上必呱呱然蓋嘗聞千古而覩于今也君之志與能不施於生人知之者又不過十人世徒讀君之文章歌君之理行不知二者於君其末也嗚呼君之文章宜端於百世今其存者非君之極言也獨其詞耳君之理行宜及於天下今其聞

所英
作甚
英於州字
下有刺字

基英作蔡
不英作齊

呂英
作驚
作詐
詐英
作詐

然英
作焉

者非君之盡力也獨其跡耳萬不試而一出焉猶為當世
所重若使幸得出其什二三則魏然為偉人與世無窮其
可涯也君所居官為第三品宜得謚於太常余懼州史之
逸其辭也私為之誄以志其行其詞曰麟死魯郊其靈不
施濯、夫子胡潔其儀冠仁服義干櫓詩書忠貞繼佩智
勇承基跨騰商周堯舜是師道不勝禍天固余欺鬼神不
怒妖孽咸疑何付之德而奪其時嗚呼哀哉命姓惟呂勤
唐以力輔寧萬邦受胙爾國維師元聖周以降德世征五
侯伊祖之則嗣濟厥武前書是式至於化光爰耀其特春
秋之元儒者咸惑君達其道卓然孔直聖人有心由我而
得敷施變化動無不克推理惟功舒文以翼宣於事業與

深

盛英
作成

技英作伎
倫華英作
儒莫亂遊
佞肅邪說
其畏英作
進佞肅邪
誦諛具畏
道民英作
于道民服
英作服民
絲英
作絲

古同極道不苟用資任乃揚進於禮司奮藻含章決科聯
中休聞用張署讐百氏錯綜逾光超都諫列屢阜其囊帝
殊爾能人服其智戎悔厥禍歎邇求待盛選邦良難乎始
使君登御史贊命承事風動海壖皇威以致來物征賦甲
茲郎吏制用經邦時推重器諸臣之復周官匪易漢課牋
奏鮮云能備君自他曹載出其技筆削自任群倫革議正
郎司刑邦憲為貳亂遊佞一作肅邪諛其畏遷理道民民
服休嘉思踈若昵惕適如遐實閑其閣而撫於家載其愉
樂申以舞歌賦無吏迫威不刑加浩然順風從令無譁繇
蘇外邑我璽盈車雜耕隣邦我黍之華既字其畜亦藝其
麻馨鼓斯屏人喜則多始富中教興良廢邪考績既成王

食英
作種

草英
作凡
王佐英
作佐王

用興嗟陟於嶽濱言進其律號呼南竭謳謠北溢欺吏悍
民先聲如失逋租匿稅歸城自出兼并既息罷羸乃逸惟
昔舉善盜奔于隣今我興仁化為齊人惟昔富人或賑之
粟今我厚生不竭而足邦思其弼人戴惟父善胡召災仁
胡罹咎俾民伊怙而君不壽矯、貪陵乃康乃茂嗚呼哀
哉廩不餘食藏不積帛內厚族姻外調賓客恒是懸罄逮
茲易箒僮無凶服葬非舊陌嗚呼哀哉君昔與余講德討
儒時中之奧希聖為徒志存致君笑詠唐虞揭茲日月以
耀羣愚疑生所恠怒起特殊齒舌嗷、雷動風驅良辰不
偶卒與禍俱直道莫試嘉言罔敷王佐之器窮以郡符秩
在三品宜謚王都諸生群吏尚擁良圖故友咨懷累行陳

江

暮是旌是告永、不渝嗚呼哀哉

開化圖書
Kaihua Library



錢謙正述古堂藏書

開化圖書館
Kaihua library



開化圖書館

Kaichua library

開化圖書館

Kaichua library




開化圖書館

Kaishu Library

開化圖書館

Kaishwa Library




唐吕和叔文集

二

Washburn Library
Washburn Library
Washburn Library

開化圖書

Kaishua library



Inches
Centimetres

TIFFEN Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color